



Na osnovu člana 2.9 stav (1) tačka 19. Izbornog zakona Bosne i Hercegovine ("Službeni glasnik BiH", br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16, 41/20, 38/22, 51/22, 67/22 i 24/24), a u skladu s članom 8. stav (1) i članom 10. Pravilnika o postupku imenovanja i razrješenja biračkih odbora za Lokalne izbore u Bosni i Hercegovini 2024. godine ("Službeni glasnik BiH", broj 31/24), Centralna izborna komisija Bosne i Hercegovine raspisuje

J A V N I K O N K U R S

za imenovanje predsjednika/zamjenika predsjednika biračkog odbora u osnovnim izbornim jedinicama u Bosni i Hercegovini

I Opće napomene

Objavljuje se Javni konkurs za imenovanje predsjednika/zamjenika predsjednika biračkog odbora u osnovnim izbornim jedinicama u Bosni i Hercegovini.

Kandidat za predsjednika/zamjenika predsjednika biračkog odbora ne smije biti član političke stranke niti obavljati dužnost u organima političke stranke, udruženja ili fondacije organizaciono ili finansijski povezanim s političkom strankom, niti smije biti uključen u bilo kakve aktivnosti političke stranke i mora biti u mogućnosti da obavlja svoje dužnosti na politički nepristrasan način.

II Osnovna prava i dužnosti predsjednika /zamjenika predsjednika biračkog odbora

Predsjednik biračkog odbora:

- rukovodi radom biračkoga odbora i zajedno s članovima biračkog odbora odgovara za zakonitost rada na biračkom mjestu,
- osigurava integritet procesa glasanja i održava mir i red na biračkom mjestu i u njegovoj okolini,
- određuje dužnosti svakom članu biračkoga odbora,
- popunjava sve potrebne obrasce,
- osigurava da na biračkom mjestu ne bude oružja ili opasnih predmeta,
- rješava sva pitanja koja se odnose na identifikaciju i pravo glasa birača,
- pomaže biračima kojima treba dodatno objašnjenje o procesu glasanja,
- evidentira u Zapisnik o radu biračkog odbora vrijeme i okolnosti svih izuzetnih događanja na biračkom mjestu.

Zamjenik predsjednika biračkog odbora ima ista prava i dužnosti ako je predsjednik biračkog odbora odsutan prilikom glasanja i/ili brojanja glasačkih listića.

III Uslovi koje kandidati moraju ispunjavati

Kandidati koji se prijavljuju na Javni konkurs potrebno je da ispunjavaju opće i posebne uslove i to:



Opći uslovi

1. Prijavljeni kandidat mora biti lice s pravom glasa tj. da je upisan u Centralni birački spisak Bosne i Hercegovine (da je stariji od 18 godina, da je državljanin Bosne i Hercegovine i da ima prijavljeno prebivalište u Bosni i Hercegovini).
2. Da posjeduje zdravstvenu sposobnost za obavljanje poslova i radnih zadataka koji se traže Javnim konkursom.
3. Za predsjednika/zamjenika predsjednika biračkog odbora ne može biti imenovano lice:
 1. koje se ne može kandidovati u smislu odredbi članova 1.6, 1.7, 1.7a i 1.7b Izbornog zakona Bosne i Hercegovine;
 2. koje je nosilac izabranog mandata ili je član izvršnog organa vlasti, osim u slučajevima kada je kandidat za instruktora lice iz člana 2.12 stav (4) Izbornog zakona Bosne i Hercegovine;
 3. koje je aktuelni kandidat ili je bio kandidat za bilo koji nivo vlasti na posljednjim Općim i posljednjim Lokalnim izborima; i
 4. kojem je izrečena kazna za radnju koja predstavlja težu povredu izbornih zakona ili propisa za koju je lično odgovorno, u posljednje četiri godine, računajući od dana pravosnažnosti odluke.

Posebni uslovi

- da ima prebivalište u općini za koju se imenuje birački odbor;
- da ima najmanje završenu srednju školu, odnosno IV ili V stepen stručne spreme, (po mogućnosti) da je student, apsolvent ili da posjeduje VSS;
- po mogućnosti da posjeduje osnovno znanje iz oblasti izbornog zakonodavstva, da posjeduje izbornu iskustvo kao predsjednik ili član izborne komisije, odnosno kao predsjednik ili član biračkog odbora;
- da mu nije izrečena sankcija od Centralne izborne komisije Bosne i Hercegovine u skladu s članom 2.3 stav 1. tačka 5. Izbornog zakona Bosne i Hercegovine.

IV Potrebna dokumentacija

1. Prijava na Javni konkurs (popunjen obrazac),
2. Vlastoručno potpisana i ovjerena od nadležnog organa izjava kandidata da se na njega ne odnose odredbe člana 2.3. Izbornog zakona Bosne i Hercegovine,
3. Fotokopija diplome ili uvjerenja o završenom fakultetu, odnosno višoj i/ili srednjoj školi ili potvrdu visokoškolske ustanove da je student ili apsolvent;
4. Po mogućnosti dokaz da kandidat posjeduje iskustvo u provođenju izbora, (fotokopija certifikata Centralne izborne komisije Bosne i Hercegovine o završenoj obuci za instruktora predsjednika biračkih odbora, fotokopija rješenja o članstvu u izornoj komisiji ili članstvu u biračkom odboru, uvjerenje od izborne komisije da je kandidat pružao pomoć u provođenju izbora).

V Objava Javnog konkursa

Javni konkurs će biti objavljen na internet stranici Centralne izborne komisije Bosne i Hercegovine www.izbori.ba, u tri dnevne novine, na društvenim mrežama Facebook, Instagram i platformi X na kojim Centralna izborna komisija Bosne i Hercegovine ima svoje naloge, na internet stranicama općina/gradova, odnosno izbornih komisija osnovnih izbornih jedinica u Bosni i Hercegovini i na oglasnim pločama općina/gradova.



VI Rok i način podnošenje prijava

Javni konkurs ostaje otvoren 8 (osam) dana od dana objave na internet stranici www.izbori.ba.

Prijave na Javni oglas s potrebnim dokazima o ispunjavanju navedenih uslova, kandidati će dostaviti Centralnoj izbornoj komisiji BiH putem elektronske aplikacije „Prijava za rad u biračkim odborima (predsjednici/zamjenici) koja se nalazi na internet stranicama Centralne izborne komisije BiH www.izbori.ba.

VII Postupanje s prijavama

Neuredne, nepotpune i neblagovremene prijave pristigle po ovom Javnom konkursu neće biti razmatrane.

Dokumentacija dostavljena uz prijavu na ovaj Javni konkurs se neće vraćati.

VIII Organ za provođenje postupka

Postupak provođenja procedure imenovanja predsjednika/zamjenika biračkog odbora po Javnom konkursu provest će Centralna izborna komisija Bosne i Hercegovine.

IX Imenovanje predsjednika/zamjenika predsjednika biračkog odbora

Nakon isteka roka za objavu Javnog konkursa Centralna izborna komisija Bosne i Hercegovine će formirati Listu prijavljenih kandidata, koja uključuje podatke o blagovremenosti prijave, te ispunjenosti općih i posebnih uslova.

Uspješni kandidati su obavezni pristupiti preliminarnom testiranju, obuci, testiranju i certificiranju koje će organizovati Centralna izborna komisija Bosne i Hercegovine, u skladu s odredbama Pravilnika o postupku imenovanja i razrješenja biračkih odbora za Lokalne izbore u Bosni i Hercegovini 2024. godine.

X Ostale informacije

Za sva dodatna obavještenja, zainteresovani kandidati se mogu obratiti na telefon Sekretarijata Centralne izborne komisije Bosne i Hercegovine broj: 033/251-335.

OIJ.